



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiasticorum Vita, Moribus, Officiis Libri Tres

Schevichavius, Gisbertus

Mogvntiae, Anno M.DC.XXI.

Capvt XV. De Liberalitatis Proprietatibus.

urn:nbn:de:hbz:466:1-42349

quantum ventri meo satis sit. Aut diuide statim quod acceperis aut si timidus dispensator es, dimitte largitorem, vt sua ipse distribuatur. Hinc & S. Chryf. hom. 11. in epist. ad Hebr. & habetur dist. 42. cap. 3. Quis scamus, inquit, ab hac absurda curiositate & diabolica & pernitiosa. Si pro nutrimento postulat, nihil examines. Inquire quomodo Abraham hospitalitatem circumuenientes transeuntes ostendebat, Gen. 18. v. 1. Si scrutator fuisse circa refugientes ad se, nunquam angelos hospitio recepisset. Fortassis enim non putans eos angelos esse, cum reliquis repulisset, sed quoniam omnes suscipiebat, suscipiebat & angelos. Non enim ex re accipientium à te retributurus est tibi Deus; sed ex voluntate tua, liberalitate multa, ex misericordia, ex bonitate. Hac si factum in te omnia adipisceris bona. Seneca lib. 2. de beneficijs cap. 1. Demus libenter, cito sine vlla dubitatione. Proximus est neganti, qui dubitauit. Illud melius occupare, antequam rogeris.

CAPVT XV.

DE LIBERALITATIS PROPRIETATIBVS.

DANDVM plenis & ambabus manibus, pingui mensura, ampliter & copiose. Nam vt ait Apostolus 2. Cor. 9. v. 6. Qui parce seminat, parce & metet, & qui seminat in benedictionibus, de benedictionibus & metet. S. Ambros. lib. 1. off. cap. 30. Neminem debet pudere, si ex diuite pauper fiat, dum largitur pauperi: quia Christus pauper factus est, cum esset diues, vt nos sua inopia ditaret. 2. Corinth. 8. v. 9. Dedit regulam quam sequamur, vt bona ratio sit exinaniti patrimonij, si quis pauperum famem repulit, inopiam subleuauit. Vnde & consilium in hoc dat Apostolus dices ibid. v. 10. Hoc enim vobis utile est, & Christum imitemini. Qui idem D. Ambros. lib. 2. off. cap. 28. & habetur distin. 86. cap. 19. §. Compatiamur. Hoc maximum, inquit, incentiuum misericordie, vt compatiamur alienis calamitatibus, necessitates aliorum quantum possumus, iuuenus, & plus interdum quam possumus. Melius est enim pro
miseri-

miseri cordiam causas prestare, vel inuidiam perpeti, quam pre-
tendere inclementiam, vt nos aliquando in inuidiam incidi-
mus, qui confregerimus vasa mystica, vt captiuos redimeremus.
Felix ille est animus, ait S. Leo serm. 3. de ieiunio 10. mensis, mul-
tumque mirabilis, qui facultatum defectiōnem, benefaciendi a-
more non metuit, & daturum sibi eroganda non diffidit, à quo
quid erogaret, accepit. Aristot. lib. 4. Ethic cap. 1. Attinet etiam
ad hominem liberalem, vt in dando adeo exciperet, vt sibi ipsi
pauciora relinquat.

§ 2. Præcellens & heroicus liberalitatis actus est, quo *Liberalissi-*
qui religionem ineunt se suaque omnia pariter Deo *mi qui Deo*
consecrant & largiuntur, imo propter Dei cælestium *religionisq;*
que rerum amorem & Saluatoris sui imitationem di- *causa dere-*
uitias prorsus contemnuunt. S. Ambros. lib. 1. off. c. 30. Beatus *linquunt o-*
quidem qui dimittit omnia, & sequitur Dominum. Sed & ille *mnia.*
beatus, qui quod habet ex affectu facit. Et ibidem vt habetur di-
stinct. 86. cap. 16. Dominus non vult simul effundi opes, sed dis-
pensari, nisi forte, vt Helisæus, qui boues suos occidit, & pauit
pauperes ex eo quod habuit, vt nulla cura teneretur domestica,
sed relictis omnibus in disciplinam se propheticam daret, 3. Re-
gum cap. 19. v. 19. & lib. de viduis. Nemo plus tribuit, quam qui
sibi nihil relinquit.

§ 3. Non ostentationis causa, sed aduersus DEVM Exuatur
& homines pietatis ergo exercenda est liberalitas, Matt. vestis cōscia
6. v. 3 Te autē faciēte eleemosynā, nesciat sinistra tua, quid faciat liberalita-
dextera tua, vt sit eleemosyna tua in abscondito, & pater tuus, tis.
qui videt in abscondito reddet tibi. S. Amb. l. 1. c. 30. Nec illa
perfecta est liberalitas, si iactantia magis causa quam misericor-
diæ largiaris. Affectus tuus nomen imponit operi tuo. Quomodo
à te proficiscitur, sic estimatur. Vides quam moralem iudicem
habeas? Te consulit, quomodo opus tuum suscipiat, mentem
tuam prius interrogat. Nesciat, inquit, sinistra tua, quid faciat
dextera tua. Non de corpore loquitur, sed ē vt amicus tuus, fra-
ter tuus, quid facias, nesciat, ne dum hic queris mercedem iactā-
tiæ, illic remunerationis fructum amittas. Perfecta autem est li-
beralitas

beralitas, vbi silentio quis tegit opus suum, & necessitatibus fa-
gularum occultè subuenit, quem laudat os pauperis, & non labra
sua Eccles. 29. v. 15. Conclude eleemosynam in corde [siue in si-
nu] pauperis, & hac pro te exorabit ab omni malo, i. e. benefi-
cium in sinu egeni, tanquam thesaurum in tuto & oc-
culto loco sine vlla ostentatione reconde, & illud ci-
tra popularem laudem impetrabit liberationem ab o-
mni spiritali & corporali malo.

Male vsuro
non tribuē-
dum benefi-
cium.

§. Prouidendum etiam ne nostra beneficentia ali-
cui sit detrimento. Pulchrum est bene velle, ait S. Ambrosius
off. cap. 30. & eo largiri consilio, vt profis, non vt noceas. Nam si
luxurioso ad luxurie effusionem, adultero ad adulterij mer-
cedem largiendum putes, non est beneficentia ista, vbi nulla est be-
neuolentia. Officere enim istud est, non prodesse alteri: si largi-
ris ei, qui conspiret aduersus patriam, qui congregare cupiat no-
sumptu perditos, qui impugnent Ecclesiam. Non est hac probabi-
lis liberalitas si adiuues eum, qui aduersus viduam & pupillum
graui decernit iurgio, aut vi aliqua possessiones eorum eripere
conatur. Non probatur largitas, si quod alteri largitur, alteri
quis extorqueat: si iniuste querat, & iuste dispensandum
putet.

C A P V T XVI.

LIBERALITAS SANCTISSIMAE TRINITA-
tis in nos munificentissima imitatrix.

Qua ratio-
ne liberali-
tas in Deo.

EXcitamenta liberalitatis Ecclesiastico viro sunt
quamplurima. i. quod sit Dei imitatrix, vt docet
Saluator noster Matt. 5. v. 45. & Lu. 6. v. 35. 36. Etli enim
liberalitas, quatenus diuitiarum cupiditatem modera-
tur, in Deo non sit, ex ea tamen & multo potiori parte,
qua est affectus ad faciliter, prolixè, sine remunerationis
intuitu alijs benignè faciendū, maxime est in Deo;
ipse enim ad largiendum promptissimus est & propé-
quissimus, & quidem hilariter, copiosè, gratuito: quia
suam